
“НЕФТЧИ” РАҲБАРИЯТИДА ЎЗГАРИШЛАР

Бир вақтлар мамлакатнинг беш карра чемпиони ва кубок соҳиби бўлган Фарғонанинг “Нефтчи” жамоаси 2017 йил мавсумида ўз ўйинини топа олмаяпти.

Олий лига жамоалари ўртасида ўтказилган 12 та расмий учрашувда 36 имкониятдан фақат 10 очко жамғариб, турнир жадвалида 15-ўринга тушиб қолганлиги ана шундан далолат бериб турибди.

Вилоят футбол федерацияси жамоада аҳволни ўнглаш мақсадида раҳбариятни янгилашга мажбур бўлди.

Жамоа бошлиғи Рустам Абдуллаев, катта мураббий Муроджон Исмоилов истеъфога чиқарилди. Бош мураббий Андрей Фёдоровга жамоанинг имкониятларидан оқилона фойдаланиш, таркибни иқтидорли ёшлар билан тўлдириш юзасидан аниқ вазифа-топшириқлар берилди. Ҳозиргача вилоят футбол федерацияси вице президенти лавозимида ишлаб келган Тоҳир Кападзе “Нефтчи” жамоасининг бошлиғи этиб тайинланди. Аҳволни ўнглаш учун бир вақтлар Ўзбекистон миллий терма жамоасини бошқарган Вадим Абрамов Фарғонага таклиф этилди.

Бу ўзгаришлар жамоа фаолиятига ижобий таъсир кўрсатиши аниқ. “Нефтчи” Ўзбекистон кубоги мусобақаларида Наманганнинг “Навбаҳор” жамоасидан устун келиб, чорак финалга йўлланма олганлигини дастлабки қутлуғ қадам дейиш мумкин.

2017-06-05 15:33:05